

Sarajevo, 26.11.2020. godine

Na osnovu člana 69. stav (2) tačka d) i člana 70. stav 1. 4. i 6. Zakona o javnim nabavkama („Službeni glasnik BiH“ br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 59/20-P od 22.10.2020. godine, u postupku javne nabavke roba br. KZ 59/20-P - „Rezervni dijelovi za podizne naprave na PPOV Butila“, donosi se :

## **O D L U K A**

o poništenju postupka javne nabavke

### **Član 1.**

Poništava se postupak javne nabavke broj **KZ 59/20-P za nabavku roba: „Rezervni dijelovi za podizne naprave na PPOV Butila“**, iz razloga što nijedna od primljenih ponuda nije prihvatljiva a sve u skladu sa odredbama člana 69. stav (2) tačka d) Zakona o javnim nabavkama.

### **Član 2.**

Ova odluka objavit će se na web stanici: [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: KZ 59/20-P od 28.09.2020.godine. Procijenjena vrijednost javne nabavke bez PDV-a iznosi: 6.000,00 KM a ista je planirana Planu javnih nabavki za 2020 godinu pod rednim brojem 256. Javna nabavka je provedena putem postupka konkurentskog zahtjeva za dostavu ponuda. Komisija za javnu nabavku imenovana je Rješenjem br. 50/20 od 25.06.2020.godine a dodatni članovi komisije su imenovani dopunskim Rješenjem br. KZ 59/20-P-1 od 28.09.2020. godine. Obavještenje o nabavci broj 247-7-1-160-3-288/20 je objavljeno na Portal JN dana: 01.10.2020. godine.

Komisija je dana: 19.11.2020. godine, dostavila Zapisnik komisije o pregledu i ocjeni ponude, u kojem je konstatovala da je na osnovu Obavještenja o nabavci br. 247-7-1-160-3-288/20 od 01.10.2020 godine, proveden postupak javne nabavke putem konkurentskog zahtjeva za dostavu ponuda, te je izvršeno javno otvaranje ponuda dana: 20. 10. 2020 godine sa početkom u 13:05 sati, a što je konstatovano zapisnikom sa otvaranja ponuda br. KZ 59/20-P.

Za predmetnu javnu nabavku dostavljena je ponuda ponuđača:

1. Ponuđač: „R-Produkt“ d.o.o. Visoko

Dostavljanje zapisnika sa otvaranja ponuda izvršeno je prema ponuđaču u zakonskom roku.

Navedeni ponuđač je preuzeo tendersku dokumentaciju sa portala javnih nabavki i samim tim ostvario pravo učešća u postupku.

Nakon izvršenog otvaranja ponude Komisija je dana: 21.10. 2020 godine pristupila pregledu i ocjeni pristigle ponude u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponude.

Komisija je utvrdila da dostavljena ponuda ponuđača „R-Produkt“ d.o.o. Visoko ispunjava zahtjevane TD uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač: „R-Produkt“ d.o.o. Visoko
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačkica od a) do d) Zakona o javnim nabavkama – Aneks IV; Prilog 3.	DA
2.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerena od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Komisija konstatuje da ponuđač „R-Produkt“ d.o.o. Visoko ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponudač „R-Produkt“ d.o.o. Visoko
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA
2.	<b>Tačka: 16.TD pod 1:</b> Obrazac za ponudu – Aneks II; Prilog 1.	DA
2.1	<b>Tačka: 16.TD pod 1.1.:</b> Popis dokumenata uz ponudu koji čini sadržaj ponude – Aneks II; Prilog 1	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2	Nije u skladu sa zahtjevima iz TD
4.	<b>Tačka 31 i 36 TD:</b> Nacrt okvirnog sporazuma – Prilog 6.	DA
5.	<b>Tačka: 31 i 37 TD:</b> Nacrt ugovora o javnoj nabavci – Prilog 7.	DA
6.	<b>Tačka: 43 TD:</b> Povjerljive informacije – Prilog 5.	DA

Pregledom ponude ponuđača „R-Produkt“ d.o.o. Visoko, konstatovano je da Obrazac za cijenu ponude – Aneks III; Prilog 2 nije popunjen kako je zahtijevano tenderskom dokumentacijom. Naime, ponudač je propustio da popuni u Obrascu za cijenu ponude kolonu br. 4 „Proizvođač i zemlja porijekla“.

Nepopunjavanjem navedene kolone na zahtijevani način iz tenderske dokumentacije traženim podacima ponuđač „R-Produkt“ d.o.o. Visoko nije ispunio zahtjeve ugovornog organa odnosno nije postupio u skladu sa tačkom 20. tenderske dokumentacije „Obrazac za cijenu ponude“ koja određuje da se Obrazac za cijenu ponude koji je dat kao Prilog 2. tenderske dokumentacije – Aneks III, priprema u skladu sa zahtjevima iz tenderske dokumentacije i čini sastavni dio tenderske dokumentacije. Tačkom 21. tenderske dokumentacije „Način određivanja cijene ponude“ definisano je da ponuđač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, Prilog 1. i Aneksom III, Prilog 2. tenderske dokumentacije, a što navedeni ponuđač nije učinio. Također navodimo da je tenderskom dokumentacijom u Obrascu za cijenu ponude ispod specifikacije naznačeno i boldirano pod **Napomena: Ponuđač je obavezan popuniti sve prazne stavke (osim kolone 11 ukoliko ne nudi popust).** Ukoliko nije ponuđen popust kolone 9 i 12 će biti iste, kao i kolone 10 i 13.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) Zakona o javnim nabavkama („Službeni glasnik BiH“ br. 39/14) za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku roba: „Rezervni dijelovi za podizne naprave na PPOV Butila“ – tender broj KZ 59/20-P donese odluku o poništenju postupka javne nabavke.

Iz gore navedenih razloga, primjenom odredbi člana 69. stav (2) tačka d) Zakona o javnim nabavkama („Službeni glasnik BiH“ br. 39/14), donesena je Odluka o poništenju postupka kao u članu 1. ove odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

- ponuđač

-a/a



v.d. Direktor

  
Adnan Hodžić, dipl.ing.maš.